



TE WHĀRIKI A TE KŌHANGA REO

TE PAE TUKU KŌRERO I TE ATA



TE TAIĀO O TE MOKOPUNA





*Tērā te haeata e kōhae ana ki runga i Te Waonui a Tāne
Te kōhanga manu a Pīpīwharauroa
Taku manu korihi i te ata
Te reo māioha hei whakaoho ake i te ao*

*Nei ra ko te reo whakaiti a ngā manu rangatira a Te Whare Kōhanga Reo
E koekoe ana te Tūi ki runga kōrari,
E kūi ana te oro a Pīpīwharauroa ki ngā rākau Pōhutukawa,
E tiemiemi ana te remu o Tīrairaka mā runga Kōwhai,
E kūwari ana a Kererū ki te hua o miro,
Aku manu ariki, manu tātāriki nau mai rā!*

*Ka tangi kōkōtea ki te Rangi
Ka tangikōkōuri ki te whenua
Kia ketekete te taiao, kia korihi te pūao
Ko Hirini te manu punaweko!
Ko Hirini te manu hokahoka!
Ko Hirini te manu awaawa!
E topa whakarunga, e topa whakararo
Ko koe e Hī te manu kurahuna o Te Waotapunui a Tāne*

Ka tahuri ake tā mātou whakamaioha ki a koutou, nā koutou ēnei kohinga kōrero, ēnei kohinga waiata i whakananao kia putaina ki te ao mārama hei oranga mā ā tātou mokopuna.

Hirini Melbourne koutou tahi ko tō whānau » Verdum Nohotima » Fred Te Maro » Arapera Royal Tangaere » Taiaroa Royal » Caroline McLean » Tei Nohotima » Hinematiaro Nohotima Duncan » Kēri Pēwhairangi » Ty Gage » Emily Dakin » Miriama Kingi » John Marshall » Phillip Marshall » Mereana Dakin » Shea Rogan » Arapera Tangaere » Jesse Huriwai » Rahera Davies » Matt Wikiriwhi » Horomoana Brown » Ngatihine Tahere » Perez Kerei » Kurapounamu Palmer » Karlos-Taiaroa Pēwhairangi-Charlie » Haare Pēwhairangi-Charlie » KC Ngahiwi Pēwhairangi-Charlie » Te Ahu Paenga » Merehinewhakaangi Ihakara » Kahimia-Baden Ewart-Tangaere » Te Kereihi Ewart-Tangaere » Metua-Tamati Ewart-Tangaere » Ngā Whare Kōhanga Reo puta noa i te motu.



*Kua titoa ngā waiata tuākana manu e Whaea Hinematiaro rāua ko
Papa Tei, ā, i waiatatia ki ngā wānanga Te Whāriki a Te Kōhanga Reo
i puta ki te motu.*


*Kua tito hoki ngā waiata tēina manu e Ngā Kairaranga Haumako o
Puoro Mataoraora, ngā Manu Pīrere nā Te Kōhanga Reo hei taunaki
i ngā waiata tuākana.*

*Ka kitea i roto i te pukapuka nei te tohutoro ki ngā waiata tuākana,
ki ngā waiata tēina.*



CONTENTS

Pīpīwharau	4
Whakatau Wairua	10
Tirairaka	14
Taku Whare Tukutuku	20
Tūi	24
Taku Whare Tūhono	30
Kererū	34
Taku Whare Kōhanga	40
Puoro Mataoraora	45
Ariā Puoro Ūngeri	46
Reo Tohu Taramu	48
Reo Tohu Rakuraku	49
Hei mahi Taonga Puoro	50
Hei mahi Mokopuna	51
Te Mana o Te Rangi	52
Te Whakaputanga Ihi	54
Hei Mahi	56
Kupu Hou	58
Tākoha Whakaaro	60



KŪI, KŪI ...

KUA TAU MAI TĀTOU KI TE KŌHANGA
O PĪPĪWHARAUA.

NEI RĀ A PIRINGI PAKUPAKU TE
PĪPĪWHARAUA E MIHI KAU ANA KI A KOE.

... WHIO WHIO



HE KUPU WHAKATAKI

E ai ki ngā kōrero o nehe ka hono tātou ki te wāhi ngaro mā te karanga manu. Ka kaha rongō i te karanga a te Pīpīwharaua hei te Koanga. Māna e tohu kua oti a Hōtoke, ā, kua tae mai te Koanga.

Hei tā te waiata rongonui, ko “Toia mai te waka”

Te tangi a te manu nei, Pīpīwharaua.

Kui kui kui, whiti whiti ora

Hui e tāiki e

Mā Pīpīwharaua e karanga kia ao ake tātou ia ata, hei whakarite i a tātou anō mō ngā kaupapa o te rā.





TAKU MANU OHOOHO

KARANGA MANU

Whakamahia ai te tangi a te Pīpīwharauora hei rautaki whakarauika i ngā mokopuna kia noho ki te whāriki, kia noho porohita rānei. He whakarite tēnei i ngā mokopuna kia whakatau i te wairua kia pai ai te ārahi a te mokopuna i ngā karakia o te ata.

Kaiwhāngai: *Kuuuuuuui, kuuuuuuui!*

Mokopuna: *Whio, whio!*

Kaiwhāngai: *Kuuuuuuui, kuuuuuuui!*

Mokopuna: *Whio, whio!*



HOHOU TE RONGO A TE PĪPĪWHARAUROA

Mā Pīpīwharauora te tuakana e whakamana te tāina e whakamana i a ia e kawē ana i te karakia Whakatau Wairua. Mā te **PAKIHIWI KAHA** e whakatinana i te mihi a te Pīpīwharauora ki te kaha o ngā mahi whakatau i te whare.

Ka mihi atu tētahi ki tētahi. Ka pā te ringa matau ki runga i te pakihiwi māui. Ka mihia!

PAKIHIWI KAHA!

TĒNĀ KOE!





WHAKATAU WAIRUA

WHAKATAU I TE WHARE

Rongomātāne mauritau! Kia ū, kia tau!

Rongo i te whiwhia

Tū i te whiwhia

Ki a mau ki te kupu

E tipu ai te kupu

ki tōna iho matua

Rongomātāne mauritau! Kia ū, kia tau!

Whakatau wairua

TE REO WAIATA A PĪPĪWHARAUROA

PĪPĪ MANU E

*Nā Hirini Melbourne i tito, ā, nā Hinematiaro
Nohotima Duncan rāua ko Tei Nohotima i whakarākei*

E pi, pīpī, manu e

Pīpīwharaurua

E pi, pīpī manu e

Mō māmā, pāpā, wharaurua!

Mō māmā, pāpā, wharaurua!

Kui, kui, whio!

Tioro whiti, tioro whiti! Tuituia!



TE TANGI A PĪPĪWHARAUA



MĀ TE KARAKIA WHAKATAU WAIRUA TE WAIATA NEI E ĀRAHI

Nā ngā Kairaranga Haumako ō Puoro Mataoraora i whakananao

C#m E B A
 Ko te manu e kai ana
 i te miro
 nōna te ngahere
 Ko te manu e kai ana
 i te mātauranga
 nōna te ao
 Whakatau wairua
 Rongomātāne mauri tau
 Kia ū kia tau
C#m E
 Rongo i te whiwhia
B A
 Tū i te whiwhia (x2)
C#m E B A
 Kia mau ki te kupu (x2)
C#m
 E pi, pīpī (hi) manu e

E
 E pi, pīpī (ha) manu e
B
 E pi, pīpī (ho) manu e
A
 E pi, pīpī (hau) manu e
C#m E
 E tipu ai te kupu
B A
 E tipu ai te kupu
C#m E
 E tipu ai te kupu
B A
 E tipu ai te kupu ki tōna
 iho matua
C#m E B A
 Kia mau ki te kupu

C#m
 E pi, pīpī (hi) manu e
E
 E pi, pīpī (ha) manu e
B
 E pi, pīpī (ho) manu e
A
 E pi, pīpī (hau) manu e (x2)

C#m E
 Kia mau ki te kupu
B
 e tipu ai te kupu
A
 ki tōna iho matua

C#m E B A
 Te tangi, te tangi, te tangi a

N.C
 (E pi, pīpī (hi) manu e, E pi,
 pīpī (ha)
 manu e, E pi, pīpī (ho)
 manu e, E pi, pīpī
 (hau) manu e)
 Te tangi a Pīpīwharoua
 Kūi kūi whio whio
C#m E B A
 Te tangi a Pīpīwharoua

C#m E B A
 Hohou te rongo a te
 Pīpīwharoua
 Pakihiwi kaha tēnā koe
 Pakihiwi kaha tēnā koe
 Kia ū kia tau
C#m E B A
 Whakatau wairua



TEI, TEI,
TI TI TEI ...

KUA TAU MAI TĀTOU KI TE KŌHANGA
O TĪRAIRAKA.

NEI RĀ A TOU TŌWHIRI TE TĪRAIRAKA E MIHI
KAU ANA KI A KOE.



... TI AI, TI AI!



HE KUPU WHAKATAKI

E ai ki ngā kōrero o nehe nā te kaha whakatoī a Tīrairaka, kaore ia i hiahia whakamōhio atu ki a Māui i hea te whare ō tōna kuia a Hine nui te po. Hei utu i ngā mahi whakatoī a Tīrairaka, i kukuti e Māui i a Tīrairaka. Nā whai anō e koutu noa ake te pahū o ngā whatu, e hoka ana te tou a Tīrairaka.

He maha noa atu ngā ingoa ā-iwi mō te Tīrairaka. Ko te Pīwakawaka, Tīwakawaka, Tīwaiwaka noa ētahi.



TAKU MANU KARERE

KARANGA MANU

Whakamahia ai te tangi a te Tīrairaka hei rautaki whakamōhio atu ki te katoa e whawhai ana te tokorua, te tokomaha rānei. Ko te Karanga manu tērā e whakarauika ana i te katoa ki te wāhi kotahi kia tuku i te mawana aroha ki te hunga e whawhai ana. Mā tēnei, ka noho āhuru te hunga kua taka ki te raru, ā, ka taea te katoa te rongo i te aroha e tauawhitia ana i a rāua/rātou.

Kaiwhāngai: *Tei, tei ti, ti, tei!*

Mokopuna: *Ti ai, ti ai!*

Kaiwhāngai: *Tei, tei ti, ti, tei!*

Mokopuna: *Ti ai, ti ai!*



HOHOU TE RONGO A TE TĪRAIRAKA

Mā Tīrairaka e Whakatauiria i te aroha o tētahi ki tētahi. Mā **TAUAWHIKURA** e whakatinana i te awahi kia rongohia tō katoa.

*Ka mihi atu tētahi ki tētahi **TAUAWHIKURA!** Ka tauawhitia i runga i te aroha!*



TAKU WHARE TUKUTUKU

MIHI KI TE WHARE

Te Ara a Tāwhaki! Te ara mihi ki te tangata. Ko Māuitikitiki!
Te ara a Tāne! Te ara karakia ki te atua.
Ko te matau a Māui!
Ngā kaokao o Papatūānuku.

<i>Pōhiri/Pōwhiri</i>	<i>Pāeke</i>	Tangata whenua Manuhiri
	<i>Tāutuutu/Tū atu, tū mai</i>	Tangata whenua Manuhiri
		Tangata whenua Manuhiri
	<i>Poroporoaki/Mihimihi</i>	Tangata whenua manuhiri
		Tangata whenua

Ngā kaokao o Papatūānuku!

Taku Whare Tukutuku

TE REO WAIATA A TĪRAIRAKA

TĪRAIRAKA

Nā Hirini Melbourne i tito

Tīrairāka

Wero Taiāha

Tei, tei, ti ti tei! Tei, tei, ti ti tei!

Whākatekateka

Ana i mua!

Tei, tei, ti ti tei! Tei, tei, ti ti tei!

Pōioioi, Piupiu, Pārehe

Whēkokikoki, Pekapeka, Tūpekepeke

Tei, tei, ti ti tei! Tei, tei, ti ti tei!



TĪRAIRAKA (WHAKARĀKEITANGA)

WHAKATIKA TE HEKE KI TE D – UTAI NA TE WHAKAKOPA KI TE RIPA TUAONO

Nā ngā Kairaranga Haumako ō Puoro Mataoraora i whakananao

Whakatakinga

E aku manu tīrairaka,
Dsus2 G G F F Dsus2
tēnā tukua
G G F F Dsus2

Whakaupoko Tuatahi

Tīrairaka wero taiaha
G G F F Dsus2
Tei! Tei! Titi tei! (x2)
Dsus2
Whakatekateka ana ki mua
G G F F Dsus2
Tei! Tei! Titi tei! (x2)

Herenga Aho

Dsus2 C5 Dsus2
Tīoioi piupiu parehe
C5 Bm Dsus2
Whēkokikoki pekapeka
tūpekepeke
G G F F Dsus2
Tei! Tei! Titi tei!
G G F F Dsus2
Tei! Tei! Titi tei!

Whakaupoko Tuarua

Dsus2
Tīrairaka wero taiaha
G G F F Dsus2
Tei! Tei! Titi tei!
G G F F Dsus2
Tei! Tei! Titi tei!
Dsus2
Whakatekateka ana ki mua
G G F F Dsus2
Tei! Tei! Titi tei!
G G F F Dsus2
Tei! Tei! Titi tei!


Whakamutunga

N.C
Tīrairaka wero taiaha

whakatekateka ana ki mua

Tīrairaka wero taiaha
(F) Dsus2
whakatekateka ana ki mua

Dsus2 G
Tīrairaka wero taiaha
F Dsus2
whakatekateka ana ki mua
Dsus2 G
Tīrairaka wero taiaha
F Dsus2
whakatekateka ana ki mua



TE KIRIKŌ KĪKŌKĀ ...

KUA TAU MAI TĀTOU KI TE KŌHANGA O TŪĪ.

NEI RĀ A KOROKORO KUMIKUMI TE TŪĪ E
MIHI KAU ANA KI A KOE.



... KŌ KŌ, KŌ KŌ!



HE KUPU WHAKATAKI

E ai ki ngā kōrero o nehe he kaha nō te Tūi te pakoire i te tangi a ngā manu, te pakoire hoki i te tangi a te tangata. I noho te Tūi hei mōkai mā ngā rangatira, ā, he ako ki te reo hohonu a te rangatira. Nā tēra mahi ōna, i whakaingoatia te Tūi he manu rangatira.

***I whakataukitia te āhuatanga
kōrerorero a te Tūi***

E koekoe te Tūi

E ketekete te Kākā

E kūkū te Kererū

Ko te whakatauki nei e aro nui ana ki ngā momo tāngata i tēnei ao, ā, ehara mā tētahi mom tangata noa iho ngā mahi e tutuki. He whakaaro tā tēna, he whakaaro anō tā tēna. He rite hoki ki te rerekētanga o ngā momo manu, heoi kei ia manu tōna mana āhua ake.

TAKU MANU WHAKAOREORE

KARANGA MANU

Whakamahia ai te tangi a te Tūi hei rautaki karanga i ngā mokopuna mai waho i te whare ki roto i te whare.

Kaiwhāngai: *Ki ri ko ki kōkā!*

Mokopuna: *Kō, kō! Kō, kō!*

Kaiwhāngai: *Ki ri ko ki kōkā!*

Mokopuna: *Kō, kō! Kō, kō!*



HOHOU TE RONGO A TE TŪI

Mā Tūi e ārahi i te mokopuna kia pai te tākaro mā ngā mahi ā-ringa e iwa. Mā te **TUKU MANA, TUKU ORA** e whakatinana i te tuku a te mokopuna i tōna mana āhua katoa ki te tautoko i ōna tuākana, i āna teina.

Ka aro atu koe ki tō hoa kia mihi atu tētahi ki tētahi. Ka Whakapiri ō ringaringa, ka tuku i tō mihi mai tō korokoro kia pērā tōna rite ki te korokoro ō te Tūi. Ka mihia!

TUKU MANA, TUKU ORA!



TAKU WHARE TŪHONO

TAKU WHARE TŪHONO – WHAKATUWHERA I TE WHARE

Pito ki te pito

Ko te whānau

Tūhono i te whānau

Ngākau ki te ngākau

Ko te mokopuna

Hei whakatipu i te mokopuna

Aroha ki te aroha

Ko te kaupapa

E ora ai te kaupapa

Kauwae ki te kauwae

Ko te kuia

E karanga ai te kuia

Ihu ki te ihu

Ko te koroua

E whakatau ai te koroua

Rae ki te rae

Ko te Atua

E pono ai ki te Atua

Taku Whare Tūhono

TE REO WAIATA A TŪĪ

TUKU MANA, TUKU ORA, TŪĪ E!

*Nā Hinematiaro Nohotima Duncan rāua ko Tei Nohotima ngā kupu
Nā Rahera Davies te rangi*

Tuku Mana, Tuku Ora, Tūī e!

Kōkō ana mai taku manu Tūī

te manu tuwhera e

Te ki ri kō kī kōkā e

Kōkō, kōkō

Tuku mana, tuku ora

Tūī e

Tuku mana, tuku ora

Tūī e

TAKU MANU TŪĪ

Nā ngā Kairaranga Haumako ō Puoro Mataoraora i whakananao

Whakaupoko Tuatahi

E **C#m**
Pito ki te pito ko te whānau
B **Fm**
Ngākau ki te ngākau ko te mokopuna
E **C#m**
Aroha ki te aroha ko te kaupapa
B **Fm**
Tuku mana, tuku ora, tuku iho

Kōrihi

E **B**
Te ki ri kō kī kōkā, kōkō, kōkō
A **E**
Te ki ri kō kī kōkā, kōkō, kōkō

Whakaupoko Tuarua

E **C#m**
Hīkoi ana i te ngahere
B **Fm**
(x2) whakarongo mai rā ki te reo karanga

Kōrihi

E **B**
Te ki ri kō kī kōkā, kōkō, kōkō
A **E**
Te ki ri kō kī kōkā, kōkō, kōkō
E **B**
Te ki ri kō kī kōkā, kōkō, kōkō
(He manu nui, he manui iti, he manu
tua, he manu tata)
A **E**
Te ki ri kō kī kōkā, kōkō, kōkō
(He manu kaha, he manu maia, he
manu tuwhera e)

Whakaupoko Tuatoru

E **C#m**
Kauwae ki te kauwae ko te kuia
B **Fm**
Ihu ki te ihu ko te koroua
E **C#m**
Rae ki te rae ko te Atua
B **Fm**
Tuku mana, tuku ora, tuku iho

Kōrihi

E **B**
Te ki ri kō kī kōkā, kōkō, kōkō
A **E**
Te ki ri kō kī kōkā, kōkō, kōkō
E **B**
Te ki ri kō kī kōkā, kōkō, kōkō
(He manu nui, he manui iti, he manu
tua, he manu tata)
A **E**
Te ki ri kō kī kōkā, kōkō, kōkō
(He manu kaha, he manu maia, he
manu tuwhera e)
E **B**
Te ki ri kō kī kōkā, kōkō, kōkō
(He manu nui, he manui iti, he manu
tua, he manu tata)
A **E**
Te ki ri kō kī kōkā, kōkō, kōkō
(He manu kaha, he manu maia, he
manu tuwhera e)
E
Taku manu tīori e





TE HUA KĪ ...

KUA TAU MAI TĀTOU KI TE KŌHANGA
O KERERŪ.

NEI RĀ A HŪROKUROKU KAI HUA TE KERERŪ
E MIHI KAU ANA KI A KOE.

... KŪ U, KŪ U!



HE KUPU WHAKATAKI

E ai ki ngā kōrero o nehe mā katoa ngā raukura Kererū. Kō te hiahia a Māui-Tinihanga kia mōhio e haere ana tōna Māmā ki hea ia rā. Ko tāna he whakahuna i te panekoti o tōna Māmā a Taranga kia whakatakaroa i tōna wehenga, heoi i wehe tonu a Taranga ki te mahi i ana mahi. I whakahuri a Māui hei Kererū mā kia whai atu i a Taranga engari i te pupuri tonu a Māui i te panekoti. Koia nei ka kitea i ngā huru tae maha.



TAKU MANU KARERE

KARANGA MANU

Whakamahia ai te tangi a te Kererū hei rautaki karanga i ngā mokopuna mai te tēpu kai ki te moe. Ko tā Whaea Hinematiaro rāua ko Pāpā Tei hiahia kia rongō i te hiamoe a Kererū nā tana kaha kai. He waiata whakamoe mokopuna hoki te wairua o Kū Kū Kererū.

Kaiwhāngai: *Te hua kī!*

Mokopuna: *Kū u, kū u!*

Kaiwhāngai: *Te hua kī!*

Mokopuna: *Kū u, kū u!*



HOHOU TE RONGO A TE KERERŪ

Mā Kererū te mokopuna e whakanuia. Mā te **MOKOPUNA RANGATIRA** e whakatinana i te mihi a tētahi ki tētahi nā ana mahi rangatra.

Ka mihi atu ki te kaiwhakaora i te whare. Ka mihia!

MOKOPUNA RANGATIRA!





TAKU WHARE KŌHANGA

TAKU WHARE KŌHANGA – WHAKAORA I TE WHARE

Whare Tōpito	Ira Atua
Whare Ngākau	Ira Wairua
Whare Whatumanawa	Ira Aroha
Whare Hinengaro	Ira Tīpuna
Whare Waha	Ira Whenua
Whare Tangata	Ira Ariki

Taku Whare Kōhanga



TE REO WAIATA A KERERŪ

KŪ KŪ KERERŪ

*Nā Hinematiaro Nohotima Duncan rāua ko Tei Nohotima ngā kupu
Nā Rahera Davies te rangi*

Kū kū Kererū

Kū kū Kererū

te manu rangatira, te hua kī

Kū kū Kererū

te manu kōhanga, te hua kī

Kū, kū Kererū

parirau rangatira, Wū, wū, wū!

Kū kū Kererū

te hua kī!

TAKU WHARE KŌHANGA (KERERŪ)

Nā ngā Kairaranga Haumako ō Puoro Mataoraora i whakananao

BbMaj7 Gm7 Cm7 F

E..1.....1.....x.....3.....3.....1

B..1h3..1.....3.....3h4.4.....1

G.2.....x.....3.....3.....x.....2

D.3.....x.....3.....5.....x.....3

A.1.....x.....x.....3.....x.....3

E..X.....x.....3.....x.....x.....1

Guitar Fill:

E..3/5\3.....1.....1

B.....3h4.....1

G.3/5\3.....2.....3.....2

D.....3.....3

A.....1

E.....x

Whakatakinga

Bbmaj7 Gm7 Cm7 F

Kererū (x2)

Whakaupoko Tuatahi

BbMaj7 Gm7 Cm7 F

Nau mai haere mai e te manu tino rangatira

BbMaj7 Gm7 Cm7 F

Nau mai piki mai e te manu a te kōhanga

BbMaj7 Gm7 Cm7 F

Nau mai kake mai e te manu tino mōmona

BbMaj7 Gm7 Cm7

Kua tau mai ō parirau Rangatira

Kōrihi

(Kererū...)

BbMaj7 Gm7 Cm7 F

Te tangi a te kererū he manu rangatira

BbMaj7 Gm7 Cm7 F

Mokopuna rangatira te tangi a te kererū



Whakaupoko Tuarua

BbMaj7 Gm7 Cm7 F

Te tangi a te kererū he mokopuna rangatira koe

(He mokopuna rangatira au)

BbMaj7 Gm7 Cm7 F

Te tangi a te kererū he mokopuna whakarongo koe

(He mokopuna whakarongo au)

BbMaj7 Gm7 Cm7 F

Te tangi a te kererū he mokopuna koi koe

BbMaj7 Gm7 Cm7 F

Te tangi a te kererū he mokopuna kamakama koe

(Mokopuna kamakama)

Kōrihi

(Kererū...)

BbMaj7 Gm7 Cm7 F

Te tangi a te kererū he manu rangatira

BbMaj7 Gm7 Cm7 F

Mokopuna rangatira te tangi a te kererū

(x2)

Whakaupoko Kōrero

BbMaj7 Gm7 Cm7 F...

Taku whare kōhanga

Whare tōpito, ira Atua

Whare ngākau, ira wairua

Whare whatumanawa, ira aroha

Whare hinengaro, ira tīpuna

Whare waha, ira whenua

Whare tangata, ira ariki

Taku whare kōhanga

Kōrihi

BbMaj7 Gm7 Cm F

Kererū, kererū

(Kererū, kererū)

BbMaj7 Gm7 Cm F

Te tangi a te kererū he manu rangatira

BbMaj7 Gm7 Cm F

Mokopuna rangatira te tangi a te kererū

(Kererū, kererū, kererū, kererū)





PUORO MATAORAORA

I mua tonu i te whakatangi puoro, ko te mea nui kia whakatika i te oro tangi ā ia taonga puoro whakamahia ai koe.


Ka tāea tēnei;

- mā te whakarongo,
- mā te tikiake i tētahi pūmanawa tautono whakatika puoro,
- mā te hoko taonga whakatiki oro ki rō toa taonga puoro.




ARIĀ PUORO ŪNGERI

Tīmata ai tātou ki tēnei tohumita, e tohu ana te nui o ngā taki kei ia pae.
Titiro ki ngā nama, ā, tatauria.



Anei ētahi oro e whā ka whakamahia hei ine i te ūngeri rānei te manawataki rānei.


Ka pēnei te āhua.



Kei raro i ia oro tana hoa 'ngū' e tohu ana i tana roa.

Ko tā te ngū mahi he tohu ki a koe ngā wāhi ka ngū te whakatangi, te waiata rānei.


Ka weherua ngā taki, ā, ka nui ake ngā oro.



He tohu tēnei kia kaua e whakatangi oro, kia noho ngū rānei mō te taki 1 me te taki 3.

HEI MAHI : PAPA KI NGĀ ŪNGERI

Papaki ia tohu **orohauwhā** ki ia tatau e 4.



Papaki ia tohu **orohauwaru** ki ia tatau e 4.



Papaki tēnei ūngeri kua tuituia ngā tohu e rua ki ia tatau e 4.



REO TOHU TARAMU

1 2 3 4

Kick - waewae →

Hi Hat - Ringa matau

Snare - Ringa mauī

E kitea ana tātou, ka tau te kick me te hi hat i te taki ōrite. E mea ana, ka whakatangihia te kick mā te waewae, ā, ka pato te snare mā te ringa matau hei te wā ōrite. Ka pēnei anō mō te hi hat me te snare hei te taki 2, nā reira tātou e whai anō i te rautaki nei.

Whakangungu ngā mahi kei raro iho nei.

HEI MAHI 1

HEI MAHI 2

Anei te ūngeri o ngā taramu mō te waiata teina a Tīrairaka.

Engari anō te hi hat i te orohauwaru, kua wehea ki ngā oro 16 kia uruhi ake te waiata.

Whakarongo ki te waiata 2:48-3:11, paki ngātahi me ngā ūngeri.

REO TOHU RAKURAKU

MAHERE TANGIATA RAKURAKU:

Koinei ngā tangiata rakuraku ka whakamahia i roto i ngā waiata teina mā ngā manu.

Gm⁷

B♭maj⁷

Cm⁷

F

C♯m

E

B

A(sus2)

A

D(sus2)

G

Fm

C⁵

Bm



HEI MAHI TAONGA PUORO

NGĀ RAUEMI O TE KĀUTA

Tirohia tō kihini. Mā kōhua me pūnu koe e pākōkō tahi ai ki te ia o ngā waiata anō nei he taramu. Mā kēne konumohe hoki koe e ngāhau. He tini noke paraoa me tētehi poihaui kua tākaingia ki runga. Pako, pake, pākia! Waihoki te rauemi e kīa nei ko te hue puruwai, i mua hoki i tō tākai i te kēne ki te poihaui, meinga atu he paru, he one, he makaroni rānei ki rō kia whakawhānui atu i ngā oro e rongo nei.

RAKURAKU – KITĀ

Nei he aroha nui tāu ki tō rakuraku ake ēngari e hiahia ana e mokopuna mā te whakatangi. Mā tētehi pouaka rauangiangi me te tinana, te ngongo rānei o waenganui i ngā rauangiangi ā kihini e piri hei hanga i te tinana o te rakuraku auaha nei. Takaia he hererapa mai i tana ūpoko ki tana tou, tamariki mā, tukuna ngā oro kia rere!

PERE

He māmā noa te hoko i ngā rauemi nei mai i ngā toa, heoi he waewae kai kapua āu, whakapiri i ngā pere nei ki te ngongo o ngā rauangiangi ā kihini nei hei rākau puoro mōhou.

He nui kē atu ngā rautaki hākoakoa e mātara ai tō wairua whakatangi oro, e whakaoho hoki i te takahi o waewae auaha. Tirohia te ipurangi mo ētehi atu whakaaro e māmā ai te noho o kaiako me mokopuna i runga i te whāriki ā te kōhanga reo.



HEI MAHI MOKOPUNA

TĀONGA PUORO O TE KĀINGA

Nei he tāonga puoro āu ki te kainga, tēnā whakatangi ki te ia o ngā waiata. Ki te kore, tēnā whakaoho i tō taha auaha, tō taha ngāwari hei whāngai atu i tō wairua waihanga puoro

HEI MAHI

1. Rapua ētahi taputapu kei tō taiao e taea ai e ngā mokopuna te whakamahi hei taramu.
Kōwhiria ngā tūmomo taputapu e mau ai te oro motuhake a te Kick, te Snare me te Hi Hat.

2. Akiakina ngā mokopuna ki te hanga ā rātou ake ūngeri mō ia waiata.

Whāngaihia ngā tūmomo kupu āhua e āhukahuka ai te wairua o te manawataki a ia waiata.



Ētahi kupu āhua: tere, pōturi, pīoioi, pōteretere, marino, hūmārie, takatakahi, kōkiri, hakahaka, tūpekepeke.

TE MANA O TE RANGI

Ko te rangi te iho o ngā āhuatanga puoro. Mā tēnei rangi te kaiwhakarongo e arahi i ngā rerenga o te waiata.

E taea ai te rangi o te waiata te noho motuhake ...

He tangi, he rangi tō ia taonga puoro, ahakoa kaiwaiata, ngā hopuoro, te reo takitahi rānei a te rakuraku, he rangi tō ia taonga puoro. Kei te kaipuoro te tikanga mēnā he māmā rānei he uaua rānei te rangi.

NGĀ WĀHANGA O TE WAIATA HEI KŌREROTANGA:

Tēnā kia titiro tātou ki te rangi o ngā kaiwaiata matua mō ngā waiata manu tuākana, kātahi ka tātarihia ēnei waiata ki ngā waiata manu tēina.

Tirohia ngā tauira kei raro iho nei. E tohu ana te āhuatanga tuhi puoro mō te rangi a te kaiwaiata. Kei raro iho ngā kupu, e tau tahi ana ngā kupu ki te oro e tika ana.

Whakarongo, ā waiata tahi ki ia tauira waiata. Pānuitia ngā kupu kei te whārangi kupu puoro hei arataki i a koe me ngā oro rangi.

Kua tuhia te whārangi kupu puoro nei nā te waiata manu tuakana

“Pipi Manu e”

HEI MAHI WHAKARONGO

Tauira 1.1 - Pipi Manu e – waiata tuakana

Tere ♩ = 100

E pi pī - pī ma - nu e, Pī - pī-wha- rau - ro - a. E pi pī - pī
ma - nu e, Mo mā-mā pā-pā wha-rau-roa Mo mā-mā pā-pā wha-rau-roa.

Kei te kite koe i ngā oro rangi ka piki, ka heke i ngā rārangi rerekē. Kei ia rangi tōna ake hauoro.

TAUIRA 1.2 – TE TANGI A PĪPĪWHARAUAUA – WAIATA TEINA

Tēnei rangi nō te korihi o “Te Tangi a Pīpīwharaua”. Whakarongo ki te waiata kei te wā 2:06. Kei te rongu koe kua tau te rangi ki te oro ōrite, ā, kāore e peke haere ki rangi kē.

Tere ♩ = 72

E pi pī pī ma-nu e E pi pī pī ma-nu e

Ki te tiro noa tātou ki ngā whārangi kupu puoro e rua, ka kitea he rerekē rawa atu ia waiata. He kaha nekeneke te rangi o te waiata tuakana, ka pateko noa te rangi o te waiata teina, arā kāore te rangi e piki whakarunga e heke whakararo rānei i ngā rārangi puoro.

TE WHAKAPUTANGA IHI A TE KAIWAIATA:

HE WHAKAWHĀNUI AKE I TE WAIRUA AUAHA A TE KAIWAIATA

Ko te āhuetanga whakawhanake pūkenga a te kaiwaiata tana whakapuaki kare ā-roto. Mā te whakapuaki kare ā-roto i a ia e waiata ana, ka tino rongo i te wairua o ngā kupu. Ka āta whakaniko te kaiwaiata i ētahi wāhanga noa o te waiata.

Tēnā, kia whakarongo tātou ki a Papa Fred e taki ana i ngā kupu ‘Rongo i te whiwhia, Tū i te whiwhia’, he reo kaha tōna i a ia e tuku ana i te karakia. Heoi anō ko tā Perez waiata i ngā kupu, ‘Rongo i te whiwhia, Tū i te whiwhia’, ka āta waiata a ia i ngā kupu, kāore mō te hāmama. He wairua āio, he ngao rangimārie tā Perez, he reo kaha he reo taki tā Papa Fred.

WHAKAPUAKITANGA I TE RANGI

Mā te whakakaha i te āhuetanga whakapūaki i te rangi, ka mana ake te waiata.

Ka whakamahia ngā āhuetanga pērā i te hihiritanga, te pūkōrero me te rerenga puoro hei tūhono i te hōhonutanga o ngā kupu ki te āhua o te waiata. Ka whakaohoho te mauri motuhake o te waiata.

Hei whakatauiria ake i tēnei whakaaro, kia whakarongo ki te wāhanga waiata a ngā tama ki te waiata tuakana, ‘E pi pi pi pi manu e’. Ka waiata ngātahi i te rangi, e patō ana te whakahua. Tēnei momo whakapuakitanga he āhuetanga ka whakarerekē i te wairua a te waiata hei whakangahau ki te taringa.

TĀ TE KAIWAIATA WHAKATANGI I TŌNA MĀRAMATANGA KI NGĀ KUPU

Inā te mīharo ki ngā kaiwaiata e whakakapakapa i te manawa, e whakatūwhera i a hirikapo ki ngā whakaaro hohonu, e whakaū rānei i ngā kare ā-roto titi tonu ki te whatumanawa. Nā te aha? Nā te waiata noa.

A kāti, ehara tēnei i te waiata noaiho, he mātanga rātou ki te whakairo i te wairua o te waiata

nā o rātou reo rōreka, ā, kawea ai koe i te ia o te kaupapa. I te ao puoro, ka kiia ko te ‘pana me te tō’ o te rangi.

Mehemea tātou ka whakarongo ki te wāhanga whaikōrero a Karlos-Taiaroa i te tīmatanga me te mutunga o te waiata tuakana ‘Te Tangi a Pīpīwharaua’, ka tukua ana kōrero pērā i te kaikōrero ki runga marae. Ka mārama ake te hōhonutanga o ngā kupu nā te

HEI MAHI

1. Tukuna ngā mokopuna kia waiata tahi ki ngā waiata manu. Ākina rātou kia whakapuaki i ō rātou na kare ā-roto e whakatōngia ana e ngā waiata.

He aha ngā tūmomo kōiriiri ka taea e rātou te whakauru?

He āhutatanga waiata pārekareka tēnei hei whakarerekē, hei panoni hoki i te waiata ki tāu, ki tā te mokopuna e hiahia ana.

2. Ko wai atu ngā kaiwaiata ka waiata pēnei hei whakaniko ake i te wairua auaha a te waiata?

Whakarongo ki ētahi atu kaiwaiata Māori pērā i a Rob Ruha, Stan Walker, Atareta rāua ko Te Hākura, Maimoa, Maisey Rika, Ria Hall, Teeks hei tauira anō i ēnei tūmomo āhutatanga. Mā te torotoro ki ēnei kaiwaiata huhua ngā mokopuna e taunga ai ki ēnei āhutanga o te wairua auaha.

3. Whakapuaki kare ā-roto - Wānanga tahi ki ngā mokopuna i te āhua o ngā waiata harikoa, pouri, ihiihi, humārie.

4. Whakatangihia tētahi o ngā waiata, ā tukuna ngā mokopuna kia tā pikitia mō te waiata.

He aha ngā tūmomo whakaaro ka puta i a rātou? He aha ngā tae ka tau mai ki a ia nō te wairua o te waiata.



HEI MAHI

1. Kia Kori!

He mauri motuhake tā ia waiata manu. Ka mārama ake te rongo i ia mauri mehemea ka tukua ngā mokopuna kia kori, kia nekeneke rānei ki ia waiata. Tērā pea hei te wā kori a muri i te karakia ka whakatangihia ngā waiata hei whakakorikori i ngā mokopuna. Tukuna kia tūhono ai te tinana, te hinengaro, te wairua me te whatumanawa a te mokopuna ki ia waiata.

PĀTAI WHAKAHIHIKO

I te wā ka waiata tātou i a (Kū Kū Kererū), ka pēhea tō ngākau?

Ka harikoa, ka pouri, ka riri, ka hoha, ka ihiihi, ka hiamoe?

Ka hia aha koe i a tātou e waiata ana i a Tīrairaka?

Ka hia moe koe? Ka hia kanikani/hakahaka koe? Ka hia waiata koe?

Ka hia awhiawhi koe? He aha rānei?

KUPU HOU

Ariā puoro	Music theory	Konumohe	Aluminium
Āwhata	Scales	Kora	Spark
Hā	Tones	Korihi	Chorus
Hakahaka	To rant and rave	Kūoro	Syllable
Hauora	Pitch	Kupu	Lyrics
Hihiritanga	Dynamics	Manawataki, Taki	Beat
Hopuoro	Microphone	Marino	Still, Calm
Huānga	Element	Momo puoro	Genre
Hūmārie	Peaceful	Ngū	Rests
Ihiihi	Expression	Oro	Note
Kaipūkaha hopunga puoro	Recording engineer	Orohauwaru	Quaver/Eighth note
Kaiwaiata	Vocalist	Orohauwhā	Crochet/Quarter note
Kaiwhakaputa	Producer	Orooro	Acoustics
Kamakama	Be quick	Ororua	Minim/Double note
Kanikani	Dance	Orowhā	Semibreve/Whole note
Kapooro, Rerenga auau	Riffs	Pae	Bar
Kiri whakaari, Kaiwhakaataataa	Performer	Paetapa	Bar line
Kitā, Kutā, Rakuraku	Guitar	Pae Tuku	Platform of delivery
Kitā hiko	Electric Guitar	Pākura	Rhythm sticks
Kitā panguru	Bass Guitar	Pateko	Static
Kōkiri	Charge, Rush forward	Patō	Staccato
		Pīoioi	Sway

Pōteretere	To be drifting about	-	Hi hat
Pōturi	Slow	-	Snare
Pūkenga	Skill	-	Kick
Pūkōrero	Articulation	-	Stomp
Puoro arotini	Pop (Contemporary music)	-	Groove
Puoro kōrangaranga	Blues (Soul music)	Tatau	Count
Puoro rakapioi	Rock and roll music	Tere	Tempo
	Rock (Heavy music)	Tohu	Symbol
Rangi	Melody	Tohumita	Time Signature
Raraku	Strum	Tōtahi	Solo
Rehu kōkō	Saxophone	Tūpekepeke	To jump about, Hop about
Reo iere	Voicing	Ūngeri	Rhythm
Reo tohu	Notation	Wā	Duration
Rerenga Puoro	Phrasing	Waiata	Sing
Reretau	Harmony	Wanawana	Trill
Ripa	Fret	Whakakopa	Capo
Ritenga taketake	Original version	Whakapapā	Percussive
Tāhiko	Electronic	Whakapuaki	Express
Takatakahi	To tread	Whakarākei	Remix
Tangiata	Chords	Whakatekateka	Impelled forward
Taonga puoro	Instrument	Whārangi kupu puoro	Lead sheet
Taramu	Drum		

TĀKOHA WHAKAARO

Handwriting practice lines on page 60.

Handwriting practice lines on page 61.

